

**2015 aallarnerfigalugu ICC-mut aningaasaliissutit 2 mio. kr.-nik ilallugit
Naalakkersuisut immikkoortitseqqullugit Inatsisartut aalajangiiffigisassaattut
siunnersuut**

(Inatsisartunut ilaasortaq Aqqaluaq B. Egede, Inuit Ataqatigiit)

pillugu

Aningaasaqarnermut Akileraartarnermullu Ataatsimiititaliap

ISUMALIUTISSIISSUTAA

Siunnersuutip aappassaaneerreqarneranut saqqummiunneqartoq

Ataatsimiititaliap suliarinninnermini ukuninnga inuttaqarpoq:

Inatsisartunut ilaasortaq Jens Imanuelson, Siumut, siulittaasoq
Inatsisartunut ilaasortaq Gerhardt Petersen, Atassut, siulittaasup tullia
Inatsisartunut ilaasortaq Evelyn Frederiksen, Siumut
Inatsisartunut ilaasortaq Per Berthelsen, Siumut
Inatsisartunut ilaasortaq Naaja Nathanielsen, Inuit Ataqatigiit
Inatsisartunut ilaasortaq Hans Aronsen, Inuit Ataqatigiit
Inatsisartunut ilaasortaq Kuupik V. Kleist, Inuit Ataqatigiit

Ulloq 24. april 2014-imi siullermeerinerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

ICC sulinermini Inunnut nunallu inoqqaavinut allanut pingaaruteqartumik inissisimasooq taamaattumillu nukittorsarneqartariaqartoq siunnersuuteqartoq isumaqarpoq. Tamatumani aatsitassarsiornermi ineriartortitsinissaq aammalu oqaatitsinnik, kinaassutsitsinnik, piorsarsimasutsitsinnik avatangiisitsinnillu illersuinerup siuarsarneqarnissaani ICC-p pingaarutilimmik sakkusaanera ilaatigut innersuussutigineqarput. Aningaasaliissutit ikiliartuinnarnerisa kingunerisaannik ICC-p sunniuteqarsinnaassusia appariartortoq siunnersuuteqartoq isumaqarpoq. Taamaattumik ICC-mut aningaasaliissutit ikilineqarnatik amerlineqartariaqartut siunnersuuteqartoq isumaqarpoq.

2. Siunnersuutip Inatsisartunit siullermeerneqarnera

Siunnersuut ikinnerussuteqartunit taparserneqarpoq, amerlanerussuteqartulli Naalakkersuisut assigalugit siunnersuummut tapersiisinaanatik. Kisitsisitigut paasissutissat Naalakkersuisut saqqummiussaata siullermeerinninnermi apeqquserneqarput. Taamaattumillu apeqqutip taassuma paasinarsisinneqarnissaa siunertaralugu siunnersuut Aningaasaqarnermut Akileraartarnermullu Ataatsimiititaliamut innersuunneqarpoq.

3. Paasissutissat tiguneqartut

Siunnersuut una pillugu paasissutissanik amerlanerusunik Inatsisartut Siulittaasoqarfiannut Naalakkersuisut siulittaasuat nassiussaqaarpoq, taakkulu ataatsimiititaliamit tiguneqarput. Uppernarsaatit paasissutissallu kattuffiup isumaa malillugu Naalakkersuisunit ujartorneqartut Kalaallit Nunaanni ICC-mit ataatsimiititaliamit nassiunneqarput.

4. Ataatsimiititaliap siunnersuummik suliarinninnera

Ataatsimiititaliap paasinninnera malillugu kisitsisitigut paasissutissat isumaqatigiinnigissutigineqartut tasaanerusut aningaasaliissutit Canadami naalagaaffeqatigiinnermi naalakkersuisunit aammalu Nunavumi Nunatsiavumilu naalakkersuisunit Canadami ICC-ip pissarsiarisai. Ataatsimiititaliap suliamik ingerlatsinermini atortussat siuliani taaneqartut misissornissaat qi-tiutippaa. Paasissutissat nassiunneqartut assigiinnigissuteqanngitsut ataatsimiititaliamit paasineqarpoq.

Kisitsisitigut paasissutissani allassimavoq Nunavumi naalakkersuisut missingersuutaasa tamarmiusut 4 %-iisa nalinginik aammalu Nunatsiavumi naalakkersuisunit taakku amerlaqataannik Canadami ICC aningaasanik pissarsisartuq. Aamma allassimavoq Canadami naalagaaffeqatigiinnermi naalakkersuisut ataanni oqartussaasut assigiinnigitsut missingersuutaasa 57 %-iisa nalinginik aningaasanik Canadami ICC pissarsisimasuq. Taamaattumik ataatsimiititaliamit oqaatigineqartariaqarpoq kisitsisit taakku Naalakkersuisut akissuteqaammini saqqummiussaannut naapertuuttut.

Tamanna tunngavigalugu suliap annertunerusumik suliarinissaa ataatsimiititaliamit pisariaqarsorineqanngilaq inassutigineqarporlu aningaasaliissutit pillugit isumaqatigiinniarnert ingerlateqqinnissaat aningaasanut inatsimmik suliaqarnermut atatillugu pisinnaasoq.

5. Siunnersuutip aningaasatigut kingunerisassai

2015-imi aningaasanut inatsisissatut siunnersuutip isumaqatigiinniutigineqarnerani taartitut sipaarutissanik Inatsisartut nassaarsinnaanngippata siunnersuummik akuersineq pisortat aningaasaataat ukiumoortumik 2 mio. kr.-inik ajorseriaateqassasut siunnersuuteqartoq naliliivoq. Tunngavissat pigineqartut tunngavigalugit allatut naliliinissaminut ataatsimiititaliaq pissutissaqarsorinngilaq.

6. Ataatsimiititaliap inassuteqaataa

Aningaasaqarnermut Ataatsimiititaliami ikinnerussuteqartut Inuit Ataqatigiit ilaasortaataat ikinnerussuteqarluni oqaaseqaammik imaattumik saqqummiussiumapput:

Kisitsisit Naalackersuisuniit ICC-miillu saqqummiunneqartut takutippaat nunani pingasuni pineqartuni ICC-mut tapiissutigineqartartut annikitsuinnarmik nikingassuteqartut. Nikingassutaasut ilaatigut paasissutissat suminngaanneernerannik, qanga pissarsiarineqarsimanerannik suleriaatsillu assigiinnginnerannik pissuteqarnerussasut ataatsimiititaliap nalilerpaa."

2015-imut Aningaasanut Inatsisissap sammineqarneranut atatillugu Aningaasaqarnermut Akileraartarnermullu ataatsimiititaliap pilersaarutigaa ICC ataatsimiititaliamut sassartinneqasasasq.

Aningaasaqarnermut Ataatsimiititaliami amerlanerussuteqartut Siumup Atassutillu ilaasortaataat amerlanerussuteqarluni nerussuteqarluni oqaaseqaammik imaattumik saqqummiussiumapput:

Naalackersuisut kisitsisitigut paasissutissaataat siuliani taaneqartu aammalu katillugit 65 %-imik takutitsisut aningaasat ukiannut april 2012-imit marts 2013-imut atuupput. Atortussanit nassiunneqartunit takuneqarsinnaavoq nunatta karsiata 2012-imi aningaasaliissutai Kalaallit Nunaanni ICC-p missingersuutaasa 78 %-eriaat. Alaskami ICC-mut tunngatillugu Naalackersuisut paasissutissiippat kisitsisit taanna isertitat 30 – 40 %-iisa akornanni inissisimasq.


Aningaasat ukiuannut tulliuuttunut kisitsisit eqqarsaatigalugit Kalaallit Nunaanni ICC-mit atortussanit nassiunneqartunit takuneqarsinnaavoq Kalaallit Nunaanni ICC Namminersorlutik Oqartussanit 60 %-imik pissarsisimasq aammalu Nunanut Allanut Ministereqarfimmit 11 %-imik pissarsisimasq. Alaskami ICC-mut tunngatillugu Kalaallit Nunaanni ICC-mit kisitsisitigut paasissutissiissutinit takuneqarsinnaavoq kisitsit taanna isertitat 35 %-iisa missaanniittoq.

Kisitsisit assigiinnginnerannut naatsorsueriaaseq apeqqutaasq ataatsimiititaliami amerlanerussuteqartut akuersaarpaat, tassungali aamma pissutaasinnaallutik aningaasaliissuteqariaatsit. Paasissutissanit Naalackersuisuneersunit aammalu Kalaallit Nunaanni ICC-meersunit takuneqarsinnaavoq aningaasaliissutit Alaskami ICC-p naalagaaffeqatigiinnermi naalackersuisunit pissarsiarisai suliniutinut aalajangersimasunut qinnuteqarneq naapertorlugu aningaasaasaliissutitut tunniunneqartartut. Kalaallit Nunaanni ICC ukiumoortumik aalajangersimasumik aningaasaliiffigineqartarpoq.


Tamanna tunngavigalugu siunnersuut Inatsisartunit itigartinneqassasq Aningaasaqarnermut Akileraartarnermullu Ataatsimiititaliami amerlanerussuteqartut Siumut Atassutillu ilaasortaataasa inassutigaat.

Tamanna tunngavigalugu siunnersuut Inatsisartunit akuerineqassasq Aningaasaqarnermut Akileraartarnermullu Ataatsimiititaliami ikinnerussuteqartut Inuit Ataqatigiit ilaasortaataasa inassutigaat.


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Jens Immanuel, siulittaasoq



Gerhardt Petersen



Evelyn Frederiksen



Per Berthelsen



Naaja Nathanielsen



Hans Aronsen



Kuupik V. Kleist